




宗川尺聞錄 十一



內閣文庫		
番號	漢	9099
冊數	12 (11)	
函號	292	37



崇川咫聞錄卷十一

淺草文庫

物產錄第十七

郡人 徐 縉鸞坡氏 同輯
楊廷撰述臣氏

稻之早熟者香杭苳有紅白二色烏秬粒較大紅秬金城種粒尖性硬品下三朝齊卽下馬看秀最易秋晚熟者膳脂赤性能不畏鹹海角田多種之紅蓮秬箭子秬種宜河土炊食香軟味甘皆上品烏口稻不能及

按通俗蒔稻秧時田家具酒食餉蒔者呼爲撥腰爲其曲身佻勞勞之也是日最喜雨諺云蒔秧遇雨秀



才科舉若水鄉則不蒔秧惟以稻散佈于田聽其自熟

粟細而熟早者名趕麥黃中名八月黃晚則名雁頭青寒露青又有滑穀白穀諸名脫其殼呼爲小米粟性黏膩宜入米粥種自膠州得來東場及沙地皆產小麥別種曰燕麥曰籬麥曰雀麥大麥別種曰赤麥曰青裸麥所在大閒有之若御麥或名曰玉蜀黍曰玉高粱曰戎菽濟南王象晉以附入穀譜里人每糞食又磨麩作腐乾

按種麥以庚辛日及八月三卯日爲吉首夏雨後尙

有餘寒人謂之麥秀寒花夜開與淮北異至成熟收割後暴乾蓋護防溼防蛙法本太平御覽而資爲口糧歲功居半所謂麥者續也續舊穀之沒也俗爲好博一飲磴小麥成麩麩麩蒸元大麥燒酒者孔多豆有牛踏匾珍珠白茨菇青狸豆殊種赤豆俗多和杭俗飯送竈畱至新正炊日裝成紅飯迎祥兼以辟疫黑糲豆俗呼馬料豆或法製豆大者爲救荒計綠豆磨爲粉索糕餌北園人專以罨芽作菜其法取豆淘淨加草置漏水桶漬之久而甲拆生芽長一二寸色白如玉黃豆芽辦稍大揃去首尾取其中嫩白者名爲剪菜

蠶豆大者俗名蝦蟆青開花忌電光則穫少有四面花者穫多帶露摘食煮以天泉登梓錯落如綠珠清香四溢遲則不堪食諺有一回相見一回老之謔以上穀種
堇旱芹一名堇葵性滑洪舜俞賦所謂滑有堇榆也種本野生近人或栽之花色白根如薺莖微赤中空就上連嫩葉採食芳氣襲人脆勝水芹臯志地笋夾脆美又地耳狀如木耳俗呼地踏菜
芹生水際郡有野芹莖短最香不比金陵之川芎梗也
蒿苳產南原醃食不亞京口菠菜郡俗與腐齊烹味清而美甜菜郡村農每植蔀下通寺院亦然

恭菜一名著蓬菜葉青白肥厚通俗立夏日取配雞鴨蛋食

按月令夏月味苦惟季夏之末土德居中寄旺味始甘此菜味甜微含土氣蛋中央黃又象土入夏逢節食之取補脾土以謝木尅以迎火生且卽以順導土德之先也俗傳日用飲食通乎陰陽調變於此可推葵古所茹者冬葵非今之蜀葵黃葵近世不復食之矣本草云葵者揆也公儀休之拔園葵疑卽冬葵

山藥卽薯蕷果生藤葉下名零餘子落泥地橫生滋長一名玉延生新沙土者質疏鬆肥大生山石間者細如

指堅而緻美如鍾山所出

甘露子名地環又名草石蠶田家取麥芒擁之鬆土最宜味如百合爲熟食清品醬漬充菜蜜藏充果

蘿蔔或呼蘿酌一名蘆葩一名菘還紅者微辣可生啖葉並可爲生菜白者味甘兼宜烹食胡蘿蔔色黃間有赤者較紅白二種產稍遲冬月掘出更可入粥飯食之能補中又蘿蔔白如雪者郡謂梨蔔猩紅者色鮮質嫩蘇松皆無此種

蒜一名葫分瓣種田間當年可長成獨顆及熟每囊五七瓣多十餘瓣次年春盡花中有實大似蒜而小其苗

出林梓謝浦並盛又小蒜名蒿根苗並可作菹

落花生甘脆易生沙土宜雞頭菱卽芡實生沙坑河不如杭之瑩潔而旨菱生河渠有紅白腰角

蕹菜卽藤菜葉肥滑俗蔬和肉皆宜惟脾冷人忌食子熟紫黑色女人取以和粉塗面大染布物名胡臙脂

瓜有桂髓密罐子薊州青月下白圭瓜諸名出臯邑者美東場多種越瓜醃切易貨金鷺蛋色嫩黃帶清香可充玩亦可食又土瓜卽月令王瓜花色黃一葉下一鬚實圓似瓜生青熟赤產平澤田野閒名老鴉瓜味苦寒入藥一名公公鬚李時珍以地黃苗名婆婆團屬對

土菌一名地蕈狀似釘蓋冬春無毒可啖味清美與楊
菌同又燒灰地上經秋雨生菌重臺者名仙人掌蕩
鹵地生白色者名藿菌取入湯試以銀釵無黑氣卽和
羹食兼入藥服

菡豆一名蛾眉豆種有青莢鑲紫者呼脂邊黛眉出楊
家園頂圓而末尖者呼爲河鮑球結實較大馬港出經
霜不老食品至美者呼爲葉裏藏東沙人家多種之屋
角籬落閒其白色子取入藥紫色莢折枝可充几玩
芋類有土芋一名土豆蔓生如芋皮黃肉白蒸食味帶
香因呼香芋種別黃獨又甘藷俗呼番芋江船賈客以

其音不利遂改曰山芋種得自舟山今江北高原人皆
種以佐餐皮赤白二色裏黃沙土植者尤甜美無筋然
皆植於瘠田多丈不過二三畝

青蒿一名菘葉細于繁與繁名白蒿者有別氣微帶清
芬中炙啖人大謂爲香蒿二三月閒采嫩葉搗碎連青
汁和入米屑作粉團名曰蒿團爲清明節時食小品
癩葡萄一名錦荔枝本草謂爲苦瓜種者每取充几玩
或生食其瓢廣東人宦遊此土時摘以和肉烹食
地椒野生與崖椒同樹高者有七八尺枝閒多刺葉對
生四月開細花五月結實生青熟紅土人卽以代花大

椒採去焙乾細碾和入羹食氣味芳烈近火有分栽高田岸者壅以乾糞復用亂髮纏樹根辟蛇

天菜俗名婆婆耳一名紫雲菜逢陰雨暖霧後浮生野草地狀如細木耳質柔而滑村童女拾歸滌淨和豆腐作羹味甚可口

桃栽三四年卽結子惟碧桃人面桃千瓣紅桃白桃一本二色日月桃花雖秀媚而不結實結實不繁若毛桃卽爾雅所謂褊桃種小而多鶯嘴桃較大有甜味水蜜桃種來自上海味更佳大都花單瓣者子繁盛自昔數通州南原桃花塢三十里桃花店近推秦邑及沙上有

桃林桃園土俗除夕人家化糶盆必取小桃柴并松柴同焚又喜炒桃仁充盤餐佐守歲酒以驅邪辟疫

杏子一名甜梅樹以大石壓根花盛子牢與棗柿同花開色帶微紅落則純白實如彈丸有金杏白杏柰杏數種郡庠保和家古文杏一株北郭李園以雙杏名實並美東南沙及堤北尤多仙人杏卽蓬萊杏顆大而甜產異常人比南海之杏園洲

梨名爲果宗花開六出時香雪滿園秦邑學黃大文有詩州產較少東二十里周莊樹最高大爲張公大谷異種呂四夏潘兩家產雪梨卽北地香水梨皮薄漿多味

崇川尺牘金卷十一
美其次則木梨皮厚核多而味淺山東一種筋梨藏最耐久人製食品有梨片藥有梨膏

棗一名木蜜修樹法每元旦日未出時反斧斑駁椎之名曰稼棗花即易實有雞心羊角灌樸水晶穀成紫棗諸名州城西馬茂才鳳眷丹照閣有丹棗樹傳爲百二十年遺植結實猶繁

枇杷以葉似琵琶得名實黃色或誇美爲蠟兒究以白者爲上品大如龍眼味甜不酢秦邑人去核取肉製爲杷菹與桃醢棗脯同美

銀杏白果又呼鴨腳子象樹葉形而名也經霜後人以竹篾箍樹本擊篾則子自落去肉取核爲果其仁嫩碧色或炙或烹可少食以佐酒茶通屬學宮壇廟及寺院宅墓樹多高至三四丈果熟時往往餉以爲禮梁甸銀杏樹古幹中空能容貧兒借棲阜東昔推燕莊一樹又東嶽廟有二株最古元兵下欲伐爲薪見鋸有紅汁迸溢遂止近則在范氏莊者著名

按興化寺旁雌雄剛樹地隔墻院甚遠乃東西相望枝葉高低相向歲收多子王譜銀杏有陰陽一氣相感之說信然

柿朱果小而圓者名樹頭紅長而尖者名牛孺柿大而

方者名方柿大呼爲四稜柿肉厚核少其蒂下別有一層如盤倒覆者名寶蓋柿出埠灣馬氏書圃最爲奇種或截梗棗本取各種柿枝和泥插接以麻紮緊自活世傳柿有七絕一多壽二多陰三無鳥巢四無蟲蠹五霜葉可玩六嘉實可啖七落葉肥大可以臨書又草本蕃柿一名六月柿莖似蒿葉似艾花似榴一枝結四五實借高樹作架如垂火珠可摘以充几玩種自西蕃傳此按北人賣生青柿食之味甘其法取青柿藏鬆淨淺土中灑水三兩次使土收去澀味經一覆時取出便佳久則又防柿潰爛不堪食南方試之亦驗

蒲萄涼州產郡城西有紫色及狗乳者纍垂可翫不但以供餽飮馬鞍山有貧貧葡萄傳爲宋時物鮮結實

核桃北果郡人宋六兩宅有樹二丈餘結實最繁枝葉

蔭街衢

北土蘋婆通大有移植者能花能果但色味俱減以上

蔬果

種棉子大水七日以下水退尙能發生至八九日水淹必需翻種大旱旱水後又小雨必損花苗凡棉性不宜驟雨驟熱滂沱方息倏見驕陽則根爛花脫矣初生時多雨草長過之者不害農家謂之草沒花兒捉花在七

八月宜用小兒日色晴烘弄推後開如是者倍收未拔箕有取其零星綴枝上者謂之捉落花 攪車今謂軋車木爲之形如三足几置木軸有柄在車左以右手運其機向外置鐵軸有輪在車右以左足運其機向內取花塞兩軸之隙手足胥動則子自內落花從外出肖岫雲鬣之勢名曰花衣 彈花弓剡木所爲上圓而銳下方而闊麤弦張弓面鋪花衣以槌擊弦促勁響衣散若雪絲霏如煙名熟花衣 熟花貫細竹抽出外圓中空名條子條從紡車隨手牽引皆繞鐵筵而積者名棉紗紗有紡成經緯者有祇賣紗者善紡能四維三維爲

常兩維爲下以紗成絛後用漿太熟紗色黑太生紗不緊刷紗最上次則捲成如餅紗促絞入漿者名漿水紗最下至機緝多寡視布爲增減不能執一也 閩粵人秋抵通沙地買花衣巨艘千百計皆裝布囊標其記以線花爲上有黃花不中經緯者悉剔之農家彈促絮被褥衣袴最稱安煥而價實廉也 棉子性解毒治惡瘡乳癰等症榨油之渣天寒餌牛羊糞田疇但油色紫而渾炷燈盞不明和蔬菜則味醇滑腸其值賤肆中遇菜豆油價昂微和之灰油之蘭亭贗本 以上棉花 艾有蘄州四明湯陰殊種移栽通土氣味差薄而生採

崇川尺牘錄卷十一 九
暴乾細揉令熟久之用以鍼灸功最鉅故醫草先之俗
逢午節取和菖蒲煎湯沐浴爲卻病方好事者或仿艾
人故事剪艾爲虎

蔬類入藥者馬齒莧爲五行菜野豌豆爲大巢菜野蠶
豆爲小巢菜萊菔子卽蘿蔔所結

果蔬類入藥者惟泰邑枇杷霜能治痰嗽最貴餘如野
蒲萄一名萹萹薏苡仁次呼回回米酸棗天茄梧桐子
無花果優曇鉢酸漿草王母珠又名紅姑孃

花之類爲藥者旋菑卽纏枝牡丹蒲公英卽黃花地丁
澤蘭卽孩兒菊又牽牛六月菊鐵線蓮夜合樹花臭桐

花

草藥以種而生者鳳尾草根貫眾菝葜麻結子有油菜竹
取炙有瀝其不種自生藥則屋遊天花粉鬼饅頭旱蓮
蓬白芨俗呼爲雀兒頭狗尾草卽莠

木部藥赤檉名觀音柳又木蒴藿俗名廷竿樹葉如陸
英榦中虛色青白人家養小兒坐草窠必取數枝鋪底
以防折傷筋骨一名接骨木其附於木藥料又有楮桃
槐耳桑柎阜莢葦之屬

水濱生藥有魚腥草卽蕺也氣腥可佻湯療痔其生於
水者紫背浮萍可治風去毒馬藻可止熱痢蒼公鬚次

可治火丹

軍山生黃棟藤一藥與金銀藤同功其嫩頭可作菹狼
山生七星草一莖七葉聯屬如斗形又有金茶匙草莖
抽細條葉面黃背青治腹痛最效皆特產南圃李峻云
二草無考比諸昔之滄浪草靈異難得

按此但紀吾土所產其功用備載在方書未能詳錄
若牛溲馬勃敗鼓之皮更無論已以上藥材

梅結實不甚繁由江北土瘠使然花有朱砂綠萼玉蝶
三種大如吳產花黃者臘梅一名蜜脾凌鴻寶堂遺素
心磬口蠟瓣異種最佳白而細者珍珠梅小植山旁春

莫花開琲琲可玩

蠟梅為寒花絕品東場產者心素蠟重花開如磬口真
河南種香色形皆居第一松江荷花瓣次之最下者本
地之狗纓也

牡丹異品數龔宅四面鏡保閣佛頭青北里鎮銀紅球
東海彭玉樓春西莊馬脂紅尤著名至俞園花數種以
紫瓊樓為第一或稱魏紫花盛開時參差團簇可二百
餘朵枝長如杖老學張大奎云內家傳七世矣若彌陀
山有黃白兩花數歲一開東臯李上林園花以獻壽紀
瑞種頗珍異惜已無復舊觀附錄宋淳熙三年二月如臯

顯桑子河堰東孝里莊園有牡丹一本無種而生明年
三月花甚開則紫牡丹也有杭州推官欲移分一株掘
土深尺許有一石如劍長頸句不敢移以是鄉老有生
誕造花下飲酒爲壽者多惟李嵩三月八日初度白八
十歲花開筵讌至百九歲而終增牡丹出中州江陰人
以芍藥根接百種幻出泰興臙脂紅綠蝴蝶大入玩賞
凡種直其根深其坑用竹虛插培土卽拔出地溼宜少
水此法宜知

玉蘭樹高大數丈南原黃園異種推鶴城劉珍從堂東
一本花開白瓣肥厚比九瓣者多其七彭唯貫庭階持
數本差大花叢木末香氣如蘭爲邑所僅見

錦帶花不盡蔓生於藤州城東北張谷巢李龍江剛家
木本最盛其花蕊斜垂似帶頭開時葉上如叢紅錦鄭
琢菴章見而歎賞謂玉藻記居士錦帶是花與主人適
稱

杜鵑花東延壽菴一本枝叢四圍如輪蓋色白郡庠吳
學魯詩有一晌喉乾春寂寂三更枝老月蒼蒼之句其
色紅者花更盛

薇花以色異名紫薇在王珠媚園一本極古溫州守顏
其堂曰花對紅薇傍金雨篁書閣雙樹老榦槎枒大二

百年物他氏亭館花與紅紫相閒生色復有銀薇黃薇
翠薇別種

桂花新栽者如泰名勝諸處皆自江南載歸取軍山土
栽性合其在山之團飄數大樹得土力厚葉沃若花易
發西郭馬明經冠芳園叢桂成林榦並高古種錯丹黃
紅三色與王莊花齊開時香聞五里人疑入眾香國境
至如幽棲別墅或五六株十數株花皆佳絕自新地而
東花不大茂爲地氣鹹也惟俞莊古桂本四握蔭庭獨
秀呂四桂多缸景夾秋窗雅集仙友韻事

菊花別種名曰翠曰波斯曰僧鞋皆附入芳譜舊植正

品若金盤銀盤珠盤茄盤紫娥紫絨白佛座麻葉紅
下黃亳州銀紅處州小青血牙芙蓉各種始皆自廣陵
鍾阜得來花較小至鶴城所得洋種大過倍邑庠崔蘇
邦有洋菊譜如紫龍鬚仙鶴翎火中蓮鴛鴦梅老君眉
佛手放寒光一品萬點朱霞之類名不勝舉其花重常
低垂上盆法以細鐵絲紐於枝上蒂下則花自面向縱
橫多致是爲菊種之正而奇者增錄菊花自得洋種後變
態極矣燥溼以時蟲蠹必剔花宜少方大葉需密方鮮
否則便非上乘

按州城西南人家半就廢宅隙地種菊索值重陽壽

富貴之家每先自定花繫牌爲志至期籃挑舟載紛
紛恐後下及茶肆酒壚莫不爭購以博清賞是一小
揚州花市也雖然賞菊者何若是其眾也俞茶亭嘗
論曰菊隱非忘情者比與披絮翁大愛樂相關當夫
早潦不時出多剝蝕翁至身無完綿因爲之焦悴宅
畔有心人自不忍見矣若乃晴雪盈筐歡同挾纒隱
者着黃襖婆娑欣然爲海上豐年報瑞隨呼童子延
入茅齋酌杯水持螯對之宛與二三知己相曠而笑
秋晚慰勞正賴有此四空道人俞天瑞又有題菊論
其略曰昔賢稱菊爲隱謂其晚節高傲未可盡信厥

始止有黃萼正色乃不甘冷淡變而紅紫百般視春
花爭媚無異又不自貴重往往里巷飲食相徵逐蓋
東籬下卽終南山捷徑也且霜天客散後神消氣沮
枯槁無顏試問諸松竹其果屑與之訂歲寒交否耶
夫如毒之說則愛在菊不徂愛一菊如後之說菊反
因人人愛菊而累而究之草木有本性菊不受貶并
賞夫不輕受也通俗菊圃熟菜圃半荒而買菊復等
買菜故附錄二說更以質品菊者

海曲拾遺

天竹盛者秦竈田墅石橋大悲菴餘西周冠時書齋倉
頭俞甲先宅翠葉朱實蟠結亭亭品別猴頭飯塊粒豔

真川尺目金卷二
四
偁同時糝天星一種劣又東場有黃膘種一枝累纍堆
朱穉真卉圃奇觀又天竺產寶峯莊者極佳莊中又有
地竺生石畔綴紅珠如指頂大三五成簇與天竺高下
相映又有草名珊瑚鞭抽條二尺許上綴紅芽至梢
鐵蕉俗謂之火芭蕉將枯釘其根則生羽士陳叶飛盆
中有火蕉丈餘羽士善揮琴撫軫時更多逸趣
紫藤多依附大木而生人家栽者或恐防木爲佗棚架
引其蔓延蟠曲如蛇花有紫翠淡淺異色北郭姚大峯
崑家後院一藤高六七尺成樹最古又朱藤花紅豔蒙
非青葉扶疏映帶可玩

寶珠山茶花出軍山一花數十瓣心如碎珠簇簇樹高
者數丈

金雀花莖有柔刺一簇數葉花生葉旁色黃形尖旁開
兩瓣勢如飛雀春初采之略入鹽湯微焯可作茶

老少年一名雁來紅與雁來黃並美又一種紅黃錯出
青碧葉間名十樣錦經霜後映帶籬院秋色紛披是卉
品之葉勝如花者大楓林霜葉之亞

龍爪花色赤莖青白葉似韭而闊後花叢生花狀錯出
拳曲下垂肖龍五爪心抽四五赤芒端有紫黑穗略如
金萱此花園亭罕植交五月點綴山坡碧草際紛然挺

立掩映生色殆野處而不暱其秀者歟

蓮不一種錦邊者蒂綠花白開時每瓣如臙脂染邊夏
炎時植方塘最堪滌暑又並頭蓮晉泰和生於元圃謂
之嘉蓮近日吾通此種甚廣有一本三萼者知柳宗元
張仲素之賀表不足多也白四面蓮郡中亦有此種徐
文貞詩面面萼邊看白鷗是也

凌霄花纏樹直上花萼高舉東城外錢南溟萬淶山莊
最佳胡尚書園中一本亭亭獨立藤大如盎

雞冠以矮腳爲上郡元妙觀有洋種雜五色於一冠者
真炫爛極品

芙蓉宜水際大紅最貴次淺紅白最殿江西產便成大

樹郡產短如榛荆故三年一斫

以上花卉

茺蘭一名羅藦卽俗呼攀枝實初結嫩有漿枯裂如瓢
中一子有白絨条長二寸許又名婆婆針線包人取其
絨代綿佗坐臥褥比蘆花被更細軟

萬年青心似御麥實如赤珠葉叢生尖厚經冬不凋通
俗女家納采每取兩本纏紅入楹用陪長青蔥以報聘
婿家乃拜受並植於庭畔義蓋取諸菁蔥茂盛累世常
相親也其先行聘以茶葉爲禮取茶樹種定不移別地
夫與古昏禮奠雁取雁不復配同義

歲馬藍卽大葉冬藍三月中新雨過分栽加以澆灌剝
沐令淨如種葵法至夏之季采取合藥漚水甕中爲澱
臯人尤善艾藍以染出色擅勝故江南北有如臯青之
名

按蓼藍染綠大藍染碧槐藍染青三藍佗澱色成皆
能勝母荀子云青出於藍而青於藍可卽槐藍以例
觀二藍者也第使重青而輕藍則藍將不種乎種藍
藍其能茂乎試問青於何出乎師道立則善人多是
在厚培藍田以廣壽事爲師之益

海曲拾遺

步母雞草名莖有高至數尺者葉長而圓花佗穗如棒

槌先綠後紫根如薯蕷色白味辣切片浸淡和肉佗羹
可治血症

菸一佗煙以火食吐納煙氣遂名原名淡巴菰自明季
呂宋入貢種始流布中國其莖直挺高四五尺葉青圓
對出花叢莖頂吐淡紅色結實微含芳臭州人學種於
原候葉老摘入竹夾子暴乾摺包滿屋待賈

按菸種佳者出浦城石馬鎮一名相思草通產氣薄
味淺閩人恆賤其值故種煙葉戶漸少

黠草一名苗草生鹹田中或生海岸莖紫脆葉青圓花
細綴如雪實類稗子表黑裏白疑卽北人所呼烏禾貧

毗拔置場暴乾以連枷擊子出淘淨磨屑作粥療饑
芼草俗以其根可熟食遂名葉似建蘭而闊叢生野堤
青色經冬不改夏開細白花根黃白色帶微鬚株連纍
纍如珠饑年掘出煮以充饌味頗甘或曰是即麥門冬
別種大名禹韭

蒔野生草新沙土人或種之取其滋蔓易生有實如大
麥七月稔俗名自然穀或曰禹餘糧又草中一救荒食
物

管似茅而葉狹無毛筋生沙灘上又生水中如蔥而中
空名為翠管采暴乾常以束包苴閒織蓑衣臥席一名

綸音關子其類有蒯質稍剛中為索兼為牛羈與蘆同為

菲履俗呼作苙草訛又芭芭葉闊於茅高六七尺毛稜

快刺人如刃野陌叢生處里名為纍科墩刈以苫屋夾

籬障壁

翠雲草魁星樓羽士程鳳侶植屋角積陰處常覺苔衣

匝砌

望江南即草決明北人烹茶用之通俗作卉品翫之而

已

五穀樹好生野岸枝柔幹直葉長如柳其叢結碧實如

綴肖魚形主水肖雞舌主旱肖稻主稻有秋肖豆主豆

得熟觀象可以占歲不獨編籬有用

按此樹與師曠所占歲豐齊先生歲苦葶先生歲惡水藻先生歲旱蒺藜先生歲疫艾先生同符而數草之驗得於一木尤靈莊家多種此羣以樹能得氣之先云

阜角樹枝有刺垂實如懸刀莢肥者爲上種小者名猪牙阜人喜和香藥揉丸以澡身盥面鹽丁火每以投鏃中攄淨鹵水浮垢樹多野生惟阜城北八里河孺閒數株最大陰連十畝蘇卓有題詠

荆桑根固心實能耐久井谷園一樹高數丈大兩圍樹

較古魯桑子落卽出所在恆有葉圓厚多津宜飼大蠶泰邑種桑供蠶事者黃橋石莊等鎮更盛女桑猗猗多於他境

郡庠袁萃西莊遺植桑樹舵工以其材中船料袖金來合券議伐忽陰風怒號桑葉亂飛窗几閒萃覺遂止風災息又按魏略記新鄭長楊沛事積乾桑椹可以禦飢州人午節煮椹製燒酒一名桑落酒

松如古麀尾松羅漢松或孤撐野寺或林立名園森然別有凌雲逸致其在軍狼岡山近補種黃山散材各數十本視伐樹時已增色然究未復舊觀若壅松孫閣厚

積蒼煙聽松黃樓遠飛濤響撫樹盤桓正動人古意不
少

柏別圓側二種臯邑范墳樹可干計而通之陳司寇祠
馬尚書墓諸僻壤各有鬼庭表古蹟也至舊家所傳
古柏如白蒲鄭以名其園岑村李以名其樓岸橋孫以
名其山莊皆能根石柯銅痔追蜀廟宗修亭顧樂何輩
有詩歌紀事

檜一本在西河保明經賡家一本在秦竈徐司馬天寵
宅皆松身柏葉大可合抱陰垂滿院而徐宅之檜榮枯
歲易其枝真幽景也莫考誰氏手植又冠芳園有樹類

檜古榦摩天參橫樓角相傳爲旉明植物馬掌科遜渚
顯其樓曰枕檜

女貞一名貞木種子易生長樹似枸骨葉厚而長面青
背淡色冬不凋或悞呼爲冬青五月開青白細花甚繁
九月實成纍然滿樹至熟轉紫黑色州人逢冬至日採
取蒸製爲酒能養精神黑鬚髮除病女貞酒因有名

按女貞木得貞女樹之益彰郡保沅祖宅一老樹相
傳爲旉旌節李宐人手植清蔭芳標在進士第內已
輝映四世沅風雨守護會除夕必具酒脯祭樹於井
畔蓋孝思久篤見樹如見其親矣沅庠原名元號定

洲

大椿樹在西門外南原五六百年物也榦半枯猶可三
四人合抱枝或枯或茂相傳旺江南一富人家每歲春
日來祭五十里外一株大十餘圍後燬於火
纓絡松在城北土山極西狀特怪榦若膽瓶又若神仙
葫蘆枝柯四布幾覆庭外翠縷下垂遮蔽天日雖酷暑
時絕無歎熱之氣

杞卽枸櫞野生多叢條有獨本高三四尺橫窗蟠曲如
露龍筋如遺蛇蛻又如犬伏石傍抖毛欲吠當寒枝帶
雪垂紅實與甘州子小異是樹在洛伽山徑盈數握元

代自荆棘中得者鄧山逸樵湧明有詩賦并記其他散
見林苑或移栽老根剪莖成爲盆景

按杞一名仙人杖葉可生茹佗蔬子可蜜漬充果根
爲地骨皮入藥此以剛木類不欲沒其全材也

榆種刺榆白枌榆閒見赤紫一種居多木本易長高未
葉時莢先開枝上纍纍成串肖小錢樣有客至閔世昌
古榆書屋戲之謂君富矣何青錢滿地也昌笑曰我手
散結交錢如是觀其錢人或拾以蒸糕餌餘和水餒鴨
野岸榆大者材皆中爲器用皮取搗入香料夾可佗粉
屑粥葡荒

槐一名穰紫者爲守宮槐幹稍弱黑者爲猪矢槐質最
下馬鞍山有古槐如龍蟠最奇材鞞緻人每取作器具
其初生嫩芽煤熟水泡去苦味可薑醋拌食晒乾復可
作飲代茶花含黃粒莢結黑子並可用染采
按槐白皮一握煮去滓入鹽少許含漱止風蟲牙痛
樹東引枝令孕婦胎動時手把之卽易生附記
黃楊楊樹別種古所謂逢閏則遭退減之厄者卽此西
寺東偏僧房壽一株高與屋齊離奇可觀相傳來時所
植郡庠袁序常西莊有樹大可數抱其長養均歷有年
所又不得以參禪例爲談柄以上草木

報麥鳥似雀而大褐色卽呼鍋裏麥屑粥者人因其聲
名之當麥秋風日清和鳴聲上下爲田功道及家常鳴
鳩布穀教勤於疇此鳥教儉於繼皆可爲九扈扈民一
助

麻雞大於花雞喙較長羽色黑腹下色淺白出呂四場
尖出軍山東皆秋後隨風掠至者羣投入林驟如風雨
聲取食味脆而香

鶴雞或呼爲麥雞大如鶴青蒼色尖有灰色者長頸高
腳頂無丹兩頰紅海上秋穫畢人織小竹圈網橫被空
闊地離二寸許置食其下以是雞拳足下集易入圈套

飛而爪張則莫能外出遂羅致之至春肉腥不如秋冬味美

鷺鷥一名水鷺一名油鴨喜集野溝蕩水閒州濠河內每十百爲羣狀似鳧而小足連尾不能陸行人掩取得之味香脆勝家鷺

鷓鴣一名烏鬼一名水老鴉不生卵而孕雛既胎又吐生多者至六七相連而出若絲緒郡郭外及內河人家畜以捕魚取皮圈約其嗉令大魚不得下咽時復扼喉倒出之食止鮓鱗子

按西橋王氏大鶴嘗見鴉捕魚歎曰慈老肆害若彼

實則爲人奪利已無多得視信天翁何遠不逮耶又城濠新漲漁舟相聚放鴉環圍水面如營齊鼓柁以爲號令羣鴉夾各逐隊分行應聲出沒或獨銜一尾昂首奔迎或三五協力同捕大鯉後至不移時銀鱗載滿人並掉舟而返西谿金叟柏屏謂是鳥食人之食能忠人之事洵有功宜賞者也一鳥而褒貶各別存參

海曲拾遺

卓鵬似鷹而大一名鷓高秋後往往於堤外摩空而下擊禽爲食又喜翱翔水上扇魚令出波攫而食之一名沸河守汎鳥鎗兵偶有所獲卽以獻狼營將弁其翮可

用爲箭羽鵙色青者名海東青

鵙鵙一名鵙澤本名犁鵙其名常自呼卽洶河喙長尺
領下有肉如數升囊若小水有魚能抑水滿其領水竭
魚出乃食之禽經云洶河在岸則魚沒西洲北蕩聞數
見吳諺夏至時來謂犁鵙言主水也夏至後來謂犁塗
言主旱也

鵙卽張萼所謂籬鵙一名鴛其子名鵙夏小正三月田
鼠化爲鴛八月鴛化爲田鼠是也與鵙毛色相似而無
斑鵙大如雞雛毛有斑點性畏寒夜飛晝伏各場草蕩
中出好事者能以聲呼取之製錦袋畜養爲鬪戲舊傳

鵙本蝦蟇化鄭予禮記註鵙鵙多可食

青鵙一名黃褐侯春分斑鳩所化狀如鳩而綠褐色尾
短聲如小兒吹竽至秋則化爲斑佳

鷺似水鵙蒼黑色卽涸澤鳥常在澤中見人輒鳴喚不
去有象主守之官因名曰澤虞俗呼爲護田鳥

告天鳥褐色似鵙而小生海上叢草中黎明時遇天晴
霽則且飛且鳴直上雲端其聲連綿不已一名叫天子
又百靈鳥小而善鳴頸帶黑毛狀全肖夾其屬也

綬帶鳥以尾如垂綬遂名與吐綬珍珠雞迥別頭黑毛
橫披腦後似髦角眼眶微藍身羽白夾有紫黑者尾參

差錯采中一黑藍毛最長有圓翠點其雌生雙尾較短
大不及野雉而輝映於青林紅樹間愛者時摹以入畫
郡紳士化壽圖取綬壽音同寫意

山和尚以烏黑頭毛禿短肖僧名身灰色狀似蠟嘴而
犬黑尾較長善鳴種不亞嘉定州

十二紅自外洋來尾有紅點十二黃點者名十二黃

牛多水黃二種水即杭黃即橫農藉其力終畝竈兼以
曳鹽車牛視他方倍煩苦而通屬各場土曠草肥計頭
分養若壯者曰牯牝者曰牯老六者曰牯日牯日牯小
者曰牯日牯日牯日牯羣集牯輸牯犁之類朝放岸邊

暮歸田畔或犇或牯土人目爲牛隊歲祈蕃息於牛神
神號相公姓范名璽

按僧販屠沽去什之二毛拳角冷失什之四甚或有
拖犁牽輓以人代牛者傷如之何且丁戊二祭例先
選牲牛之爲用攸關 國典至重是在司牧法嚴禁
宰牧人愛護辟瘟俾廣其生可也

麋性喜居澤鹿因與居夾善濟水里老云每見北堤外
有越海來者非聳肩泅於波面即昂首抱足仰臥乘流
而渡兩角載海藻爲裹糧逢洲泚可憩處即捎下食之
又或銜草至町場棲止自是種類漸繁然究之善聚善

散今則蕩中間出麋麋蕉石山房畜得蒼黃鹿兩頭毛
角斑然鳴聲呦呦可聽一日忽不知所之惟繫項雙條
環尙存

犬健而善吞者爲狎爲獨爲獫爲韓獹爲宋狙獵人畜
焉吠而善守者爲烏龍爲青豺爲花斑豹爲陸黃耳爲
紅鼻白猗人家皆飼畜焉其短小異種爲狎爲海狝爲
西洋爲猓獅統名曰房犬謂是乃內室所畜者繫以金
鈴臥有茵蓐正元微之所詠嬌獨也近歲姜竈港東臘
後皆有狗市更見新沙戶口殷繁鳴吠四應氣象

猶獸似豕而肥其子名獲卽猪獐毳毛較狗獐略淺狗

獐似小犬而肥二種皆喜穿穴墜墩邱壠中取肉煎油
可治湯火灼瘡皮溫更宜爲裘狼營弁將獵獲者恆先
以獻帥長幽風于貉遺意茲土髣髴得之

獺一名水狗四足俱短頭與身尾俱褊毛色若故紫帛
大者身與尾長二三尺居水中能取魚爲食兼能吐沫
引水鳥食之出水則常休於大木上在水呼爲水獺在
木呼爲木獺又有海獺腳下皮如人胼拇毛着水不濡
取獺皮用飾毳服領袖可不染污垢如風霾翳目拭以
袖口翳卽解用製臥褥邊幅可辟蜥子螫毒不使近身
在北地歷驗

豬統名曰豕卽彘里人名牝豕不謂之豨呼爲豨佗堅
上聲音強有力也名牝豕不謂之豨呼爲豨言可爲豕
母也豢以米泔糠覈豆渣等物非若淮北苦臉豬食草
故肉肥美烹食勝羶味臯市精潔者有白水切肉

按豕在卦爲坎屬水性復喜雨癸丑夏大旱郡守張
蔗亭令閉城南門懸二牝豕於內灼其尾使驚哮悲
鳴蓋宣陰氣以抑陽氣也其肉又宜養老累年以來
鄉耆得於粟帛外仰邀恩賜食福孔多一豕有
關民生若此以上鳥獸

鱠魚以出有時而名江北自任港至四方沙交夏出泰

邑沿江一帶較多細鱗色白肥似魴腹下細骨如鏃其
味美在皮鱗之交故食不去鱗

按歲四月間漁戶得鱠大者先獻豪家一尾可獲干
青銅錢數至倍計上市後值稍賤燕會務致此爲敬
客且以誇勝乃沿吳中習氣

銀魚一名小白身圓無鱗光潔白如銀兩目細黑長一
二寸出州城北濠河濱桃花水漲人結細絲網張得之
甚鮮美呂四南山澗及豐里西河並出

按博物志言此魚卽鱸殘但彼本江魚傳爲吳王臨
食唾餘所化何以河復有此豈氣化之靈固所在皆

通與另一種江出麵魚似銀魚而長大

墨頭魚類鱠子長者過尺其頭黑如墨上有白子二枚
身淡黑色又名北斗魚二三月散子甚多游則羣小從
之畜魚者最忌其在池吞噬諸魚種以火夜照又取佐
食戒食者則朝斗黃冠

魴即杜父魚生谿澗中狀似吹沙而短大頭闊口岐尾
色黃黑有斑脊背上有鬚刺見人則以喙插入泥沙如
船可俗一名船可魚肉厚微帶土氣刺螫人

鯽一佗鱗魚生濠河活水為嘉鱗白肉嫩腴更肥美溝
潭止水出黑鱗者次之又名鮒陸佃曰此魚好旅行吹

沫如星以相即謂之鯽以相附謂之鮒又海產鱗頭尖
大闊腹長鬚身有四划水翅長尺餘中食

按士昏禮用鮒義取夫婦相依附固即鯽也通人當
春每以祭先猶月令薦鮒之意入秋道憲臨州錄因
將對簿守牧乃先進生魚即借以為民求生蓋因聲
寄意在積餘也似少陵詩舊俚圓鮒此直可呼之為

仁孝魚 海曲拾遺

鮓生濠河或在裏溝外港頭扁身圓腹有小肉穿名曰
鮓子長二尺餘新產者大不滿尺種別吳都賦註海鮓
狀不肖鯢



按釣鱮者以蚓為餌繫十數鈎長線上兩人各持線頭橫懸水面河闊一蹲河側一蹲舟中河狹則對蹲岸口伺其吞餌收線稍有參差魚驚散輒斷斷爭辯厲聲互應及魚既得彼此復相視莫逆正與宋喻樗所論推車子遇險則相詬病車止欣然如初適肖由志同在魚一鱮外本罔無心也

海曲拾遺

版魚似板片橫浮水上口偏勾扁身獨骨無腸兩旁有短毛鬣背綴細鱗灰黑色腹底微滑淡紅有文肉白而腴或名為臙脂玉版小者呼楊葉子又呼繡鞋底太平御覽以鱸為玉版魚江東人呼鱮為板魚皆非此種

鮓鮓即鮓鮓別種以其水行鮓然動貌因名或云此魚身圓扁如璧始出海門張港一名張璧狀似編縮項頭連背止一脊骨肉厚尾雙歧又似燕翦通身色白夾兩肩旁面微帶藍呂東二場夏晚較多烹食鮮肥加雪酒糟鹽醃藏差可經久

鯊自海胎生者視河魛迥別青目赤頰哆口無鱗背上有鬣腹下有翅種類如釜頭犁頭及鬣斗丫鬣諸鯊皆肖其首以名言至劍鯊則狀其長背排牙香鯊則形其體含芳氣名各有因大者重一二百斤人取鬣翅為乾腊味美仍如鮮食其皮如沙糝圓點紋簇成一片復極

堅厚可裝飾馬鞍弓鞞刀鞘等器
鱈魚卽平面魚一名扇面一名踏扁胡頭眼凹背光黃
有脆骨無腸口齒在腹下長尾夏日浮游橫潮水中海
航網得之或卽取曝檣上爲腊名曰蓬乾味等鱈鯊其
小者狀如圓鑄俗呼爲鑄兒魚尾左右生二足又呼爲
絞腳襠皆沿鱈音而曲盡其類云

秤星魚身長過尺似秤管背曲似秤鉤背鱗灰色多排
削白點又似秤星因名肉厚而老可食

苗魚乃廣東鬼頭鮠之類狀瘁惡而味美中啖北海間
一見焉據楊升菴外集三苗路史佗三鱧是魚合從鱧

字定名

黃鯛一名黃姑有兩種江出者小白似麵魚帶微黃海
出者差大黃似金魚長不近尺闊不踰寸扁身細鱗腸
腹多脂中食

鱒卽梅魚似石首而小梅熟時出一名黃花魚頭大於
身腹厚有脂背黃細鱗腴白廣寸餘長二三寸海上小
鮮常品

翦頭魚背尖如翦鏃突頂廣頰身圓鱗紫黑色皮厚肉
不大嫩長尺三四寸出廖角

水篋魚背光黑與名黃婆子者色別而形小類頭連肉

肩貼平口在腹下尾長尖甚毒刺人痛入骨髓老漁呼爲魚翦就海濱先搏沙泥拔去以免其害

按宋書符瑞志帝堯時厨中自生肉其薄如箠搖動風生食物寒而不臭名曰箠脯是魚性寒水行每隨風搖動肉復中食仙畹崔茂蘭嘗呼爲箠脯魚本此箠爲扇別名若山海經鱒郭璞江賦鱒魚註皆言其狀如團扇彼則就一圓身擬似耳與此魚扁身帶圓者各別

馬交魚或名馬鯧形似鱸膚黑色無鱗有斑銳背燕尾近尾處有一細切海中逢春社而生一名社交魚鮮者味美經宿易腐載海門彭大翼山堂肆考

鱟魚俗以其在海中善鳴一名嘯魚甲淺黑色背半如月牙回抱腰軟摺橫紋一線後半如圭倒垂眼連背聳三脊腹下十二足似蟹螯排口之上下身旁夾二翅尖稜無數尾長尖有刺其大者又每類惠文冠及熨斗之形背有骨如角常偃高數寸遇風至卽舉扇風而行俗呼鱟帆夾名鱟簾人取必獲雙雌雄成對刺之血碧肉味美可爲醬燒其脂可致鼠

海獅子魚頭扁圓口闊鼻昂唇翹起眼暴眉骨挺數肉釘身無鱗多肉青黑色腮後鬚編一片微紅如小肉翅

鱖有尖稜尾圓尖長七八寸可食河內產有呼印獅魚者肉肥厚食較多又媳婦魚類印獅而頭大色赤與女兒煙屬對夾工

紅孃子魚類媳婦魚又小異腮後橫兩肉翅帶綠點弄剛划水伸雙爪尖三出身弄廣後狹長六七寸紅鬚細赤鱗肉多於骨海人每以佗羹

鱸四鰓者出松江郡城南狼山港夾有四鰓鱸但略小或製爲鮓充松江鱸裝罌中以餉遠人

石首魚魚之小者爲春來尤小者曰梅首曰梅童魚族至繁海人多不知名有首生篆字者名篆魚有

角者名方魚有首尾雙尖者名梭魚有口闊尺餘目生口之兩角而拖一長尾似狐名狐魚不悉書而最毒爲虎頭魴大尋丈遇之亟避淡水潑其首卽惟人割取否則吐氣吸人人必斃海人多有與之狎者

呂四場有鱮魚歲閏則如閏月之數乘潮推陷沙中潮落海人割之爲油大可數十丈傳卽鱮之小者骨曾成橋今五十餘年不出矣

刺魚卽蝟狀似鼠又似豪豬而小產草藪間掘石二港最多性瘳鈍少犯近則蹙縮毛刺攢起如矢刺端分兩岐人取其刺軋開毛茸茸色紫皮可製領袖入藥夾可

療痔肉又可治胃疾爾雅蝟本釋爲獸以其生近水爲
漁者所得故附魚族

鱒鰕得於海北不及爾雅註南海雜志者尤大然已迥
別常種鍼鼻磔鬚身長三寸餘遠勝河產曰梅曰苾曰
蘆曰管諸鰕其次若條若水皆有名紅竈雞又次之其
最則對鰕取出兩兩乾之成對重可六兩身如拇指麤
大長五六寸羣推鰕中之伯取爲酢脯及米米則有水
晶鶯爪鴿腳等名子腦暴乾並美鰕散子後腦黃卽消
以先期取者爲得法春夏之交呂石掘三場產至盛又
江產白鰕雖小而殼軟肉味鮮宜他脯兼宜乾畜狼山

沙東西均出

鰕公公一名鱒鰕乃海馬鰕別種目突起金碧色旁垂
兩耳頭面三稜骨如片玉無針鼻磔鬚惟雙岐毫微似
螳螂口縮下開合若鉗身闊扁類蜈蚣夾紅線痕腹下
節節皮排連蜷曲佻划水狀尾披圓甲簇細釘點帶尖
刺口痔兩長足上曲四短足下勾類螳斧腰六足如常
尾旁橫兩小紅螯四小扁足夾帶紅色通身色青白長
三四寸人惡其形惡不食河產鰕公長足曲背浮水面
疾吞如馳胡南樵云舉蠶母與鰕公屬對可供一噉
坡螺似田螺大如茶杯尾尖肉綠色頭頂肉紫人呼爲

土鮑魚可烹食微帶土氣出海灘產牡蠣處

泥螺一名土蝶白殼圓旋如蝸而長肉塊然一片伸縮其閒面藍色底蒼白有口能飲食腹有未化泥如小豆粒腸如細白絲脂一點頗肥生海灘邊秦潭口出者美大如拇指頭多涎人取鹽漬之感縮較小滌淨和酒醬飴食味脆而鮮以不嵌沙者為良按此土蚌出於寧波腹油不一粟遺水中則今海蜃胎也初遺如浮涎歲成蜃一蜃重可七八十筋無面目海人割取之羣蝦集其身以謀食蜃又以蝦為目也蝦浮夾浮蝦沈夾沈

按王竈北有沙出泥螺土人乘潮落涉水拾之易米

為活而貪多愆期往往潮沒隕命一味之致冒險若

此朱子言恆念物力維艱即此可思

蛇一名榜蒲魚即江賦所謂水母泛泛水中大過於箕漁人七八月閒伺潮未漲結繩網如囊繫毛竹方架沿海迎風張之蛇乘潮流入網口即駕竹箬拽置舟中歸取藏諸瓮池醃以礬鹵數日形縮減十之四皮分花白兩種頭色赤較賤加鹽漬味可經久項淡醃夾可和羹肉甚脆名為水晶按水母通謂之海蜃嶺表謂之蛇廣州謂之水母有淡紫與白色者腹下繫物如懸絮蝦寄腹下啞食其涎浮水上見捕者即歛然沒是蝦有所見

也性煖治魚疾味腥損脾以草灰點生油洗之

按蛇之利不亞於魚海人以海爲田夏搖網秋張方
呼爲二熟第當秋潮洶湧出沒無常日鰕善驚或隨
風簸揚而散取致夾非易易未可謂常物不足珍惜
也穀菴單子有食蛇句莫笑朶頤飛脆響曾看簸浪
割鮮來

蟹牝者團臍曰博帶多子牡者尖臍曰娘螳多黃蟬
一名青蟬网螯能翦人指蟹最大石掘二場出較多呂
四出蠟蟹一佗蟹甲俗呼爲梭子蟹螯有稜鋸黃肥美
又坡蟹甲圓瑩而小望潮蟹居則背穴外向潮欲來舉

螯如望不失常期殼白色擁劍蟹一螯偏大其利如劍
長一二寸彭蠡彭蠡夾皆蟹類以北灘菜花蜆爲上或
呼爲蠟子河出斷蟹金錢蟹並肥壯視呂亢台州十二
蟹圖此土約得其半又多其四人取蟹醃藏爲蟪
蟪蚶小蟹也海人搗爲鮓一場獲利千餘金取肉澄腐
佗羹具別味大者稱蠟稱蟪蚶以春出蚶以秋出持
螯得蚶一螯之大與蚶身俱蠟復大於盤結膏若糍子
鬼面夾稱雋未嘗其羹蚶當大暑時聚族積沙隆起尺
餘窟竇玲瓏穿錯以受涼風謂之蟪蚶起樓何惑末多
國四寸人能造崇室曠宇也

卷之二十一
三
遮羞小蟹其螯一大一小人不食之

按食蟹宜秋寒月河濱蟄蛇每守其穴有毒蒸食必
以銀簪牙筋試之色不黑卽無害與食海蠟同法

蛤種類不一蚌吸月降胎甲長尖而薄呼爲薄蛤夾爲
尖蛤車螯較大背偃而斑呼爲大蛤復與服翼所化魁
蛤並呼爲文蛤其百歲燕化者海蛤卽蚶甲圓而小外
有理縱橫中有肉紅黃色又一種甲厚而大肉紫色名
瓦瓏子皆呼爲稜蛤千歲烏化者蛤蚶呂四出更多呼
爲圓蛤至牡蠣由鹹水結成初生海邊如拳石四面漸
長嶄巖如山類多礁礪相連名曰蠣房每潮來諸房皆

開有小蟲入則合以充腹肉之大小隨房所生大如馬
蹏小如人指房左顧爲牡右顧爲牝品入藥或名靈蛤
粘附高沙在掘港僂蟻山在呂四大苴北又僂蟻山人
每渡水往取焉按牡蠣或僂蟻蜡殼堅方石形夾方石
此地海人無覓口處不工掘刀爲海上逸品閩人來此
秘製以質齊魯聞博金最奢蠣性附物以生有海鱸長
者互百餘里牡蠣聚族其背積之曠歲崇十丈許大鱸
負以游至平水卽牡蠣肆帆水面如山海舶猝遇若常
其首輒震以銃炮鱸驚徐徐逝猶漩渦數十里船顛頓
久乃定人始有更生之賀觀甚奇而災甚切也

蛤蜊蟬螿一類而分族蟬有大於孟者生沙中海人抑下其足踐沙拾之蟬殼紋如繡而蛤殼渾白蟬肉白而蛤肉分丹黃色質者美以桃花蛤五月吸梅雨始肥始堪製二物能乘霧以飛張兩殼佗翅吐肉若吸霧然皆堪製醬而蟬醬包石圃家善製尤良

海螵與河生螺螵種別甲圓旋帶稜文徑二三分長寸許末細尖門夾有細靨藍黑頭口眼畢具身碧綠色肉如縷絲盤折取和淡椒鹽煮熟用銅錢眼軋斷尾尖倒吸食之味鮮美沿海草灘所在皆有螵春正二月提筐拾者紛紛甚至載江舫往蘇常鬻販

沙筍北海灘出禿頂肉厚皮倒捲少許長數寸腹有沙屑赭黃色取者以竹箭刺其腹隨卽縮緊吸起洗時得人手煖氣則漸堅挺狀類人勢和豕肉烹食味如雞絲又如魚肚介石潘允吉曰昔陳藏器以淡菜爲東海夫人今合名是筍爲北沙壯將佗對聞之者爲哄堂
兔啣子生鹹水草藪狀如粉團而柔渾沌無頭足時蟬蟬灘上動之滑滑有聲人以其肖兔嘔胎胚遂名饑年取佗羹膩白可口但多食則令人腹痛性寒

埭記如阜縣距海百餘里乾隆癸丑十二月二十八日薄暮雲開星燦忽有黑氣一道從東及西互天漸

高漸遠蠕蠕而動逾時泯滅縣中一老吏云此海蜃吐氣也五十年壽曾有之

淮南魚鹽甲天下地居海濱以鹽漬魚納桶室糗乾成蕘載郡謂之醃臘船黃鯨如寧波海鯉如荅昌大者鯨皮有珠紋肥甘可食小者以竹貫為乾成鮓最小為銀魚沿海拾螳鮮者炮之不能炮者乾之其肥在鼻海魚割其翼曰魚翅蛇魚割其肉曰蛇頭其裙曰蛇皮石首春產於江秋產於海故狼山以下人家八月頓頓食黃魚也風乾其鱗曰鱗木經需之以聯物者取魷為脯曰贛揚州畫舫錄以上水族

土緯結秦邑黃橋石莊出色較湖產微黃麤厚而軟製服耐久又出絲布巾帶以絲為經以棉紗為緯

絹以生絲織成細不及吳產而堅緻可為盞酒囊或染元青色為服出州城南顧機房

土本布以鐵筵所紡棉紗織者為上細紗布稍麤而幅廣尺二三寸長四丈有餘疋大為江南所少線布出金沙場樸素渾堅人每取以製褐染青加元色其布細者價高他布

本苧布出沈巷司機房取苧麻辟纒織就凍和石灰灰糝少許漂之河中曝之草上色白其麤厚者製為裏服

夫可歛汗先是種苧經年入春自宿根叢生每歲三刈
采皮漚去青面暴乾析理小片始績爲縷
芙蓉手巾以芙蓉皮代麻兼與苧麻合績織成又撚線
穿爲芙蓉汗衫出餘東張西園珖云東門樓畔芙蓉池
昔人漚苧及蓉皮其中取製衫巾不汗臭許景樊女郎
所咏白苧新裁染汗香猶止知有苧未知有芙蓉之製
也近或以白苧縷染淡紅色肖芙蓉花樣則踵事者增
芻舊製初本無此以上服用

糕有八珍茯苓蜂窠糖雲片酥諸名芝麻糕出秦竈薰
糕出鎮場每歲迎新蒸手巾方糕以赤白糖入糯隔層
鋪蒸似巾經線相間文因名取供神祖又百果花糕饋
獻用之夏月有菘豆葛粉糕取其清涼散暑九日釘赤
糖粉棗糕上插小綵旗爲秋社時食相傳陳顧二壽輩
就天寧寺築會文一室於是日上梁忽有雙鴉各銜旗
插梁上後皆登第遂爲旗糕佳話

按通俗白童蒙入塾婚嫁告廟至比而應試祥而除
靈以及遷居誕辰莫不以糕爲禮糕一佗餽餽者高
也卽祝百事高之遺意也

餅有逢時特設者如清明采蒿葉佗餽餅端午擣粽子
佗餽餅中元日薦餽飽狀如束賦豚耳卽古白環餅中

崇川尺牘金卷十一
三
秋夜供月餅石港鵞油者上味兼餠餅髓餅十月朔告
冬以湯養餠餅其尋常點茶者有玫瑰餅桂花餅椒鹽
油餅皆呼印餅白蒲桃酥肥擬乳餅鬆爽復勝餠餉至
坊市饅頭包子用婆羅門輕高麵法爲起膠餅糝麻大
小胡餅又卽爲十字餅煎夾子油盒兒擬古爲薄持餅
或庖製代飯以麵澆春餠爲卷餅入油酥打簑衣千層
餠餅俱爲熬餅餃餌舊有粉角牢丸不托諸名與切麵
挂麵同爲湯餅夾同餠餅爲蒸餅至夏初餅用稻芽秋
深餅用南瓜麵糰各便卻別有田家一種風味
糖以昏禮鴛鴦巧糖喪禮獅仙牌糖吉禮蟠桃果盒糖

爲俗重其精美者首推董糖厥包方白次日法師曰雞
骨曰蜜切曰貫香曰木皮曰牛脾皆出通市至東臯所
出則名曰籠機

董糖冒巢民妾董小宛所造未歸巢民時以此糖自秦
淮寄巢民故至今號秦淮董糖

蜜餞如枇杷丹棗青梅橄欖紫蘇藕絲櫻桃橙子枸杞
子梨片香椽片佛手片生薑片之類和蜜煎汁漬者溼
世燈菴製佳加洋糖糝透可入炒米藏者乾秦邑出
醬純用熟麵菴黃和鹽暴熟爲麵醬麵入未幽製加鹽
水暴熟爲豆豉醬漉出清汁爲醬油呂鹽味不苦鹹南

山等處出醬名甜醬又蛤醬取蛤漬鹽酒封瓶中成醢
味最美鰕醬用細鰕漬鹽暴成其精液名爲鰕油味勝
醬油梁劉孝儀謝賜蝦醬卽此車螯醬以小車螯肉入
鹽加糟水漬爲醢味次之

油用黃豆打出居多菜子壓爲菜油名香油脂麻磨爲
麻油小磨者更香俱宜和羹惟棉花子鴉相子油味澀
不中食可爲燈爲燭油坊油榨多在村落州侯家畢蔣
鋪尤著名藏久色清名爲窰油又江豚魚肉熬爲油點
火能沾衣不污黃鱗魚肝炙熬油可夜照出沿海地
豆餅貨與油等用以壅田餒牛馬饑年充人食

釀出如邑色黃者良入麴發酵取佗饅餈湯餅或以澆
衣去垢以上食品

北人佗酒用黍南人蒸糟皆曰燒酒白香山所詠色洞
玉壺無表裏也通俗重滴花燒起醇用之袁枚云海內
通行紹興酒而滄酒溥酒川酒豈在紹酒下哉金壇有
于酒德州有盧酒四川有郫筒酒外如南溥酒之清辣
蘭陵酒有琥珀光烏飯酒色黑而味甘蘇之三白浙之
金琴視紹興高出一籌矣金閨之女貞福貞元燥宣州
之豆酒通州之棗兒紅俱不入流俗最不堪者揚州之
木瓜也入口便俗汾酒乃燒酒最狠者膏梁燒次之童

二樹泡燒酒十斤用枸杞四兩蒼朮二兩巴戟天一兩
布蒸一月開囊清芬可味 以上酒

甄曰婁曰埭曰方曰望曰合方曰籬底曰半畠曰牙帶
曰磨刀曰脊曰礫皆出自陶人其雕鏤花樣者則曰花
甄瓦有方陸楊葉獅頭花邊滴水嘲風角瓦銅瓦天溝
瓦諸名窑貨石港出者倍中用

鐵造農器如五齒之鈿犁頭之長鑿大鑿桿軸之錯錯
金釭底以合土范金鑄出鋤鍤鉏鉞等由鑪錘鍛
鍊而成軍器如整鎧鉤鎗鈇鈇鳥銃諸制狼營所前正
如紫電青霜藏有武庫他如百工日用冶氏之物不勝

枚舉其團鋼而器利者則潘刀宜剃劉刀宜火莊刀宜
剪器大而且重者則呂四海角之鐵鎚或呼鐵貓

舟運漕糧艘州人在泰帮修造運官鹽多造板船若沙
唬哨船以習水戰巡緝江洋屬狼右營輜船坐可容數
席爲內河游船夾呼官船其便民者如揚州划子善使
樂石港蕩船善使篙阜邑三十里三艙圈蓬班船皆河
行載船至大者惟通商江艦海船登號有官給信票寫
戳有船埠牙行小而絲網漂白等船又止漁人所乘至
於夏五爭泛龍舟綵船羣集夾間有鳳船賽勝競爲奪
標之戲

按龍舟競渡相沿吳楚餘風已久然一日可費至千
金夫土俗之靡也昔范太蒙傷之傳有詩歌

車佗雙脊梁穹隆上曲虛冒單輪之小半軫弄後繫索
人連肩項勾之手扶轎旁出兩木一推一輓而行名爲
小車卽古軫車日可運載七八十里山塘沙路雇乘有
牙行其平鋪板面下佗方架橫兩軸運四輪者名板車
場人恆以載鹽輓牛牽之上垣又竹肩輿用襜帷制擬
巾車名爲轎轎與橋通謂其平如橋也里巷通行多布
轎宦家有氈轎緞轎旁嵌玻璃或張紗棚佗四望通幃
車護碧油絹衣蔽陰雨復佗油壁車昏娶爭裝五色綵

轎名花轎親友以燈賀者帖僮奉返香車卜葬用輻爲
喪車將出必先陳設轉蓋及帷於庭然後載柩而行唐
張說祭文廡車旣展卽此其帷繡八仙像則人又卽呼
爲仙雲車云

按禮惟大夫不徂行君子耆老不徂行車以崇爵齒
也通俗浮夸忘分少年便雇肩輿馳驟矣士昏禮婦
車有褱夾止如駟取屏蔽而已近乃錦簇盤龍裝燈
四角一花轎費無算矣喪大記柳車大夫畫帷畫荒
士布帷布荒近且罩紅錦結綵球炫美於路矣奢則
示儉宜嚴禮教

燈以郡廟紅毬燈爲江北巨觀其小者若八角印方宮
壁諸燈或畫絹或貼絨或飾水晶玻璃皆爲上元節神
壽供設至丹陽燈剪綵鏤紙爲人物狀則張挂於亭閒
爲玩具又七月晦地藏燈各家裝燈平布門巷地上或
架燈棚取瓜果花葉製爲爐瓶几玩兼肖鳥獸蟲魚異
形安火盞照之比包燈又花樣一新

花盆礬石闊長者貴方圓夾不一式分栽茺針虎刺丁
香黃楊紫榆諸樹成林配點山石縱橫各按皴法蒼苔
掩映入畫妙俱於小中見大勝揚州缸景灌花頭陀通
性有盆景說至或取古磁盎小植月季花飛來鳳蒲草

之類置齋頭以清心目郡寺觀僧道皆善隨盆布置

按盆之有景清景也對之可博山林勝賞若必恣意
求多未免玩物喪志景中人靜參之

澄泥硯通海出與昔絳縣汾水中取絹囊泥陶成者有
別楊氏荅筆記云明嘉靖年倭初取石壓船渡海來犯
我州及掠財物載重乃盡發出棄江灘去人拾歸往往
用砌牆腳瀕海農家甚至雜入糞壤 國初海門陸某
見是石異狠軍所伐磨試之質細如澄泥製爲硯能發
墨水不涸復同絳產後大奎閣憲僧廣其傳有玫瑰紫
鱸魚黃菜豆砂赤豆砂各種澄泥硯因著名俗或以姑

蘇磯村石充之贗甚錄徐崇炳西安人進士宰東台縣云古海門縣沒於海久之漁人得其磚跖為硯曰澄泥有玫瑰紫鱔魚黃蠟殼青數種余得紫黃二硯即予宦囊矣


貼絨扇出如邑扇有團有摺翦絨片為人物花卉粘其上略加鈎染畫能令便面異樣生色州近效其技售者咸集於市

浮石以海波沫凝結而成質輕鬆色蒼白閒隨潮流落北灘上積磊塊成堆人取以擦鞞鞵底及舊銅錫器能令光澤性清寒入藥宜治痰症

窗畫出西南營劈紙破安銀晶片五色紬其中膠粘成幅鏤紙如絲綴花樣嵌空玲瓏有花盆花籃花瓶鶯鶴貓兔蜂蝶諸狀糊窗似雲母屏一小段臯學金渭謝贈窗畫啟云紙含曙色喜無入戶塵侵花送春光窺到隔櫺影動

蚊帳即蚊煙裁紙條作囊以蛇牀子鱗骨灰木屑貫其中盤折如環夏夜燒之可辟蚊桃甸鎮宏字鴻度者名之曰環紙帳戲為詩云裁紙不成幅環圍帳一條何妨籠碎影且以度終宵當戶隨風捲橫牀帶霧撩醉眠白鳥去笑抵紫蛟綃帳名遂因詩定

水仙鉞長一三尺圓如象筋末銳細者如小麥稈中實
色瑩白敲之聲鏗鏗然村童就灘畔拔以為戲郡庠湯
相玉屏咏物詩此其一傳有沙際磨成白水玉江頭穿
破綠煙簑之句 以上器玩



崇川尺牘錄卷十一終

天保三年

